

omnia prius experiri quam armis sapientem decet.

790 qui scis an quae iubeam sine vi faciat? *GN.* di vostram fidem, 20
quantist sapere! numquam accedo quin abs te abeam
doctior.

THR. Thai', primum hoc mihi responde: quom tibi do
istam virginem,

dixtin hos dies mihi soli dare te? *TH.* quid tum postea?

THR. rogitas? quae mi ante oculos coram amatorem ad-
ducti tuom . .

795 *TH.* quid cum illoc agas? *THR.* et cūm eo clam te sub- 25
ducti mihi?

TH. lubuit. *THR.* Pamphilam ergo huc redde, nisi vi
mavis eripi.

CH. tibi illam reddat aut tu eām tangas, omnium . .? *GN.*
ah quid agis? tace.

THR. quid tu tibi vis? ego non tangam meām? *CH.* tuam
autem, furcifer?

GN. cavē sis: nescis quoi maledicas nunc viro. *CH.* non
tu hinc abis?

800 scin tu ut tibi res se habeat? si quicquam hodie hic turbae 30
coeperis,

faciam ut hui(u)s loci diēique meīque semper memineris.

GN. miseret tūi me qui hunc tantum hominem facias inimi-
cum tibi.

CH. diminuam ego caput tuum hodie, nisi abis. *GN.* ain
vero, canis?